

Na osnovu člana 2.9 stav (1) tačka 2. Izbornog zakona Bosne i Hercegovine („Službeni glasnik BiH“, br. 23/01, 7/02, 9/02, 20/02, 25/02, 4/04, 20/04, 25/04, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13 i 7/14), Centralna izborna komisija Bosne i Hercegovine je na 75. sjednici, održanoj 13.11.2014. godine, d o n i j e l a

## U P U T S T V O

### za primjenu člana 1.8 stav (4) i člana 1.3a stav (3) Izbornog zakona Bosne i Hercegovine

#### Član 1. (Predmet)

Ovim uputstvom pojašnjava se primjena člana 1.8 stav (4) i člana 1.3a stav (3) Izbornog zakona Bosne i Hercegovine po pitanju nespojivosti funkcija, od dana objavljivanja potvrđenih izbornih rezultata do konstituisanja novog izvršnog organa vlasti i postupak odbijanja mandata od izabranog kandidata.

#### Član 2. (Nespojivost)

Nespojivošću iz člana 1.8 stav (4) Izbornog zakona Bosne i Hercegovine za izabrane nosioce mandata ne smatra se obavljanje neophodnih funkcija u izvršnim organima vlasti iz prethodnog mandata, od dana objavljivanja rezultata izbora u Službenom glasniku Bosne i Hercegovine do dana konstituisanja novog izvršnog organa vlasti.

#### Član 3. (Odbijanje mandata)

(1) Izabrani kandidat odbija mandat u predstavničkom organu potpisivanjem izjave o odbijanju mandata koju potpisuje lično u sjedištu Centralne izborne komisije BiH ili u sjedištu organa u koji je izabran, na obrascu PPU-1.

(2) Izuzetno, Centralna izborna komisija BiH može odobriti da se potpisana izjava o odbijanju mandata, ovjerena pred nadležnim organom, dostavi i putem pošte ili faks aparata.

#### Član 4. (Prestanak primjene)

Danom stupanja na snagu ovog uputstva prestaje da važi Uputstvo za primjenu člana 1.8 stav (4) Izbornog zakona Bosne i Hercegovine („Službeni glasnik BiH“, broj 91/06).

#### Član 5. (Stupanje na snagu i objavljivanje u službenim glasilima)

Ovo uputstvo stupa na snagu danom donošenja i objavit će se u Službenom glasniku BiH“, „Službenim novinama Federacije BiH“, „Službenom glasniku RS“, „Službenom glasniku Brčko distrikta BiH“ i na web-stranici Centralne izborne komisije BiH [www.izbori.ba](http://www.izbori.ba).

Broj: 05-1-02-2-1340-1/14  
Sarajevo, 13.11.2014. godine

